



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄՆԻ
ՂԵԿԱՎԱՐ

ք.երևան 0051, Կոմիտաս 49/2, Հեռ. 010235600, 011 597-520, ֆաքս 233600,

1 28 / 12 2018թ.

N 554/18-Ճ


Հայաստանի Հանրապետության
հաշվեքննիչ պալատի իրավաբանական
վարչության պետ Արամ Մամիկոնյանին

Հարգելի պարոն Մամիկոնյան,

Շուկայի վերահսկողության տեսչական մարմինը (այսուհետ՝ Տեսչական մարմին) քննարկելով Հայաստանի Հանրապետության հաշվեքննիչ պալատի կողմից 2018 թվականի ՀՊԵ-Գո-187 գրությամբ ներկայացված Տեսչական մարմնում հայտնաբերված անհամապատասխանությունների և խեղաթյուրումների վերաբերյալ արձանագրությամբ բարձրացված հարցերը հայտնում է հետևյալ առարկությունները՝

1. Տեսչական մարմինն իր հաշվապահական հաշվառումը, գնումների կազմակերպումը և անձնակազմի կառավարումն իրականացրել է Հայաստանի Հանրապետության տնտեսական զարգացման և ներդրումների նախարարության (այսուհետ՝ Նախարարություն) միջոցով, որը հանդիսանում է «Տեսչական մարմինների մասին» ՀՀ օրենքի 18-րդ հոդվածով նախատեսված պահանջի խախտում:

Տեսչական մարմինն իր գործառույթների իրականացման ժամանակ չէր կարող խախտել «Տեսչական մարմինների մասին» ՀՀ օրենքի 18-րդ հոդվածի պահանջները, քանի որ փաստացի մինչև օրենքի համապատասխան փոփոխությունը, տվյալ գործառույթն իրականացվել է Նախարարության համապատասխան ստորաբաժանումների կողմից, համապատասխան փոփոխությունից հետո վարչապետի աշխատակազմի ղեկավարի կողմից ստացված գրության հիման վրա՝ (հանձնարարական 18-41, տրված 26.06.2018 թվականին 02/42.1/12321-18 գրությամբ ստացված Mulberry համակարգով) «ՀՀ վարչապետի հանձնարարությամբ՝ հաշվի առնելով տեսչական մարմինների գործունեության առանց ընդհատման ապահովման անհրաժեշտությունը, խնդրում եմ ներկա անցումային փուլում, շարունակել աջակցել դրանց բնականոն աշխատանքներին՝ ժամանակավորապես իրականացնելով տեսչական մարմինների գործունեության ապահովման համար անհրաժեշտ հաշվապահական



հաշվառման, ֆինանսաբյուջետային, անձնակազմի կառավարման և կազմակերպատնտեսական, տեսչական մարմնի բյուջեի, ինչպես նաև տեսչական մարմնի կողմից ստուգումների տարեկան ծրագրով չնախատեսված ստուգումների անցկացման հետ կապված վարչական (կազմակերպչական) բնույթի աշխատանքները», որոնք էլ կատարվել են Նախարարության կողմից և հանձնարարականի կատարումը չի կարող դիտվել օրենքի դրույթների խախտում:

2. Տեսչական մարմինը չի ունեցել տարեկան գործունեության ծրագրեր՝ ոչ 2017թ., ոչ 2018թ. համար չի իրականացրել Կանոնադրության 15-րդ կետի 1-ին ենթակետի պահանջը:

Տեսչական մարմինն ըստ գործող օրենքի յուրաքանչյուր տարի տեսչական մարմնի կառավարման խորհրդի հաստատմանն է ներկայացրել Տեսչական մարմնի գործունեության և իրականացվող ստուգումների տարեկան ծրագրերը, որոնք խորհրդի կողմից հաստատվելուց հետո օրենքով սահմանված ժամկետներում տեղադրվել են տեսչական մարմնի կայքում՝ prosafe.am: Ներկայացված փաստարկներն անհիմն են և չեն համապատասխանում իրականությանը:

3. Տեսչական մարմնի կողմից 2017թ-ից – 2018թ-ի ինն ամիսների ընթացքում նշանակված տուգանքների ընդհանուր 45,110.0 հազ. դրամ գումարից 4,700.0 հազ. դրամը պետական բյուջե չի վճարվել:

Ներկայացված հաշվարկի իմաստը անհասկանալի է, քանի որ ըստ «Վարչարարության հիմունքներ և վարչական վարույթի մասին» ՀՀ օրենքի 71-րդ հոդվածով նախատեսված բողոքարկման ժամկետները լրանալուց հետո երկամսյա ժամկետում միայն Տեսչական մարմինը կարող է դիմել համապատասխան մարմիններին բռնազանձում իրականացնելու խնդրանքով և փաստացի տեսչական մարմինը գանձումների գործընթացը տվյալ պահի դրությամբ կատարել է 92,5%-ին համարժեք, որն էլ արտահայտված է կառավարման խորհրդին ներկայացված տեսչական մարմնի ղեկավարի հաշվետվության մեջ:

4. Տեսչական մարմնի կողմից 2017-2018թթ-ին քաղաքացիների դիմում – բողոքների հիման վրա արտածրագրային ստուգումների իրականացնելու դեպքում ստուգում իրականացնելու վերաբերյալ հրամաններում կամ հանձնարարագրերում հստակ սահմանված չեն եղել դրանց հիմքերը, ինչպես նաև հիմնավորումները, որ սպառնացող վտանգի աստիճանը բարձր է, կամ նույն տնտեսվարող սուբյեկտի վերաբերյալ կարճ ժամանակահատվածում ստացվել են բազմաթիվ բողոքներ՝ խախտվել է ՀՀ Տեսչական մարմինների մասին» ՀՀ օրենքի 16-րդ հոդվածի 2-րդ մասի, ինչպես նաև ՀՀ կառավարության 2015թ-ի հունիսի 18-ի N 711-Ն որոշմամբ հաստատված կարգի 9-րդ կետի պահանջները:

Տեսչական մարմնի կողմից դիմում բողոքների հիման վրա իրականացվել են ստուգումներ միայն «ՀՀ- ում ստուգումների կազմակերպման և անցկացման

մասին» ՀՀ օրենքի 4-րդ հոդվածի 3.1.մասի 2-րդ կետի հիմքերով՝ ստուգում իրականացնող պետական մարմինը Հայաստանի Հանրապետության վարչապետից ստացել է հանձնարարական, քաղաքացիներից, իրավաբանական անձանցից, անհատ ձեռնարկատերերից ստացել է դիմում, իսկ պետական մարմիններից, տեղական ինքնակառավարման մարմիններից՝ գրավոր տեղեկատվություն՝

ա. քաղաքացիների կյանքին, առողջությանը, իրավաբանական և ֆիզիկական անձանց, պետության օրինական շահերին, կենդանիներին կամ շրջակա միջավայրին վնաս հասցնելու վտանգի, ինչպես նաև բնական կամ տեխնածին բնույթի արտակարգ իրավիճակների առաջացման վտանգի մասին,

բ. քաղաքացիների կյանքին, առողջությանը, իրավաբանական և ֆիզիկական անձանց, պետության օրինական շահերին, կենդանիներին կամ շրջակա միջավայրին վնաս հասցնելու, ինչպես նաև բնական կամ տեխնածին բնույթի արտակարգ իրավիճակների առաջացման մասին,

գ. սպառողի իրավունքների խախտման մասին (այն քաղաքացիների դիմումի դեպքում, որոնց իրավունքները խախտվել են),

Տվյալ պարագայում իրականացված ստուգումներն օրինական և համահունչ են փոխհարաբերությունները կարգավորող օրենսդրությանը, ինչպես նաև արձակված հրամաններում նշված են իրականացվող ստուգման օրենսդրական հիմքերը:

5. Տեսչական մարմինն իր վերահսկողական գործառույթները շարունակում է իրականացնել նախկին մարմնի ստուգաթերթով: Տեսչական մարմնի համար նոր ստուգաթերթերի (կամ ստուգաթերթերում այդ ուղղությամբ կատարված փոփոխությունների) վերաբերյալ հաստատված ակտ չկա:

Ներկայացված հիմնավորումները չեն համապատասխանում իրականությանը, քանի որ ՀՀ կառավարության կողմից 29.06.2017 թվականին N756-Ն որոշմամբ հաստատվել է Նախարարության շուկայի վերահսկողության տեսչական մարմնի կողմից իրականացվող ոչ պարենային արտադրանքների և ծառայությունների նկատմամբ պետական վերահսկողության իրականացման ստուգաթերթերը, բացի այդ Հայաստանի Հանրապետության կառավարությանը ենթակա շուկայի վերահսկողության տեսչական մարմինը հանդիսանում է Նախարարության շուկայի վերահսկողության տեսչական մարմնի իրավահաջորդը:

6. Տեսչական մարմինը 2017թ-ի ստուգումներ իրականացնելու իրավասություն չուներ՝ համաձայն ՀՀ կառավարության 2015թ հուլիսի 20-ի N 839-Ա որոշման դրույթների:

Սույն որոշմանը հղում կատարելիս նկատի չի առնվել, որ Հայաստանի Հանրապետության կառավարության 2016 թվականի հունվարի 14-ի «Հայաստանի Հանրապետության կառավարության 2015 թվականի հուլիսի 30-ի N 839-Ա որոշման մեջ փոփոխություններ կատարելու մասին» N 43-Ա որոշման 2-րդ կետի 2-րդ ենթակետը նախատեսել է «որոշման 1-ին կետով նախատեսված՝